

養

一

齋

詩

集

養一齋詩集卷第三

武進李兆洛

五律

余旣製泰始輒爲研邑之人遂珍之適秋圃再任
壽州人有以此餉者亦製爲研屬余題此

一軒珍尺璧好古意悠然莫問銅駘事聊存司馬年塵
沙俱浩刱翰墨有奇緣側耳清風頌歸裝借壓船

送鄧聖輔

相識已嫌晚暫遊情倍親新詩一回讀仙骨固無倫沅

禮恩公子音容悵故人何時重握手此意各宜珍

夏辛三小照

失怙嬰孩日艱難聖善恩味餘南國筍色湛北堂萱雨
露知方渥蒿莪詎忍論如何勤護養潤葉在培根

夏循陔玻璃泉洗硯圖

只此一勺水聊療季女飢懷中紫玉段持照青玻璃仰
瞰積鐵壁俯蔭離璇枝勿放墨龍出驚起巫支祈

錢惠茲採藥圖

携得長鎌去名山往往還寄情雲物外得意藥籠間康

伯誰相識安期幸可攀新知庭砌下芝草已嫋嫋
大藥求非遠軒岐或未工黃芽青盎盎丹鼎夜融融細
辨川原地調和鉛汞中丐君方寸七令我羽毛豐

茅簷映雪圖

杏林花未發茅屋冷難支青眼吾垂老素心子自知聰
明賴冰雪夙夜有書詩不怠辛勤日期之得意時

四月十九日兩垞明府觀風于暨陽書院獲觀所
著紀元通考及詩稿是日快雨因賦呈

爲政培才急心期雅在茲請觀風肆好知化雨無私竹

御初苞籜蓮擎未吐枝塵襟欣盡滌啜茗聽論詩

述作知無敵天人罔不該四千年宇宙三萬里蓬萊書
卷隨身富宮花到處栽他時指棠舍辛柳共徘徊

此地分三璧試律以讀書三璧命題何人擅九能行廚
供自粲賜餅憶紅綾膜可金籠籠才經玉稱稱好憑雲
雨力爲爾助飛騰

種壽堂賞菊

種壽堂中菊花開又一秋見花皆識面得酒且扶頭招
客仍勞主尋歡各命儔新詩凡幾輩重與結綢繆

今年暘雨亟燥濕苦難調乞得多種憐他漸漸凋賴
君仙指爪令我活心苗此酒當酬勞益益與細澆

今秋風日好滿放菊花顛北道舊爲主謂雙堂東家新
有緣東門外某氏搜奇徧老圃賣菊圃卽色問枯禪火
神廟俗况有姚監察詩心說極元餘圃二尹

處處看花好行行舊侶稀連朝成酩酊獨寐眷芳菲
一樣君山路頻年處士扉但教能益壽歲歲願無違

吹伯以集見示識之以詩

身入球琳圃爬搜力豈任新詩如脫口佳處欲鏤心自

有江山助非關卷軸深秋牕披誦罷纖月下風林

久不與蒙山聚首思之頗深今年三月過我於暨

陽書院因畱之課兒子時新構屋池上觴藉弄

月殊足盤桓涉秋欲歸以詩畱別次韻爲答兼

訂其仍來九月十有七日也

世法了無染跡喧心獨幽爲兒謀結夏捉客伴吟秋花
晚色猶稊蟲寒響已收買山非我事隨處足勾留

銅官離墨下游跡久塵封念此亟行樂相看非少容遲
徊隨浪舶孤負入山筭且喜今年合招携把玉蓉

偶營池上屋聊以適天真水靜諳花性林疎得月神關
心非色相引興任貪嗔頗恐驚魚樂無煩理釣綸

莫道別時暫誰言來日多祇今三五月幾遍醉顏酡此
地幸不惡如吾差可過蕭蕭搖短鬢浩浩發商歌

盛君甫山子抑之以遺畫見貽予旣題詩識之抑

之又以一幅貽彥聞彥聞屬爲題之慨然復成

一詩是說夢非題畫也

南墅春蕭瑟西江月渺茫祇餘殘夢影彷彿墨花香揩
眼看雲樹回頭弔夕陽不堪重控壁望遠動廻腸

學稼圖爲朱聽菴題

耕鑿華胥世蓄畚經訓田偶然懷沮溺擬作散神仙鄰父客于耜家兒學治秧比庸應有耦吾意亦怦然
幾歲瀕江潦秋田每不成徒令思稼寶何計富經籩困
億詩人誚舐胼隱者情君方志鐘鼎無事效硜硜

寄朱肖梅

出門渾一笑相識爲看山撫媚君真似扶携我笑頑笨
枝綠不淺尊酒興非慳料得明蟾夜清吟日指關

貯香閣主人照

耽學精神足閒居清課專品題歸大雅翰墨有良緣眼
福誇同輩心香接古賢何時望虹氣一上米家船

題高式之照次自題韻

追憶師門侍今來四十年光落年十五受業於蘿簪師
今年六十三矣先生遺澤在吾子得天全有字幸能識
于人不受憐本來清勁骨彷彿見毫顛

升沉惟俟命澗壑亦何心鬱鬱伯通撫悠悠梁甫吟未
肥求戰勝不溣畏塵侵此意誰當會遺珠象罔尋

薛雯伯照

醉燭子良友向予誇親家古心齊枯柏高館足烟霞舊業經蘿富新芽玉樹嘉白沙洲畔路日夕往還賒曾一瞻眉宇披圖欲惘然文孫已頭角此老未華顛好我酸鹹外期君懷葛前何時操艤艇同煮惠山泉

舟行

平波三五里細意繪天容夕照鋪來活晴雲淡欲融光
眞揩寶鏡縠不動微風小艇輕搖擣希夷會我胸

薛晝水 携杖山行小照

夫子閉關久尋常不可風何期雲日好獨往碧山中樹

老如身健峯高覺道冲惜哉青玉杖未及訪空同空同
山在隴上今豐陽府境也

黃海安期宅青山太白祠何如九龍鳴小酌二泉池澗
畔多瑞草松根足伏芝無因小兒女邦負向平期

湯毅堂先生官粵西方伯撫定越南阮藩入覲繪
圖紀之文孫成烈出以見示因題

至治恢無外南琛奉越裳嘉矜惟

聖主震疊任巖疆戶牖綢繆密川原旌旆長盡臣綿世
德念祖志龍光

江陰璜塘黃紹南妻朱氏結褵未百日紹南以痘
殤誓從死母家饋夏有藤枕雙氏泣曰枕雙人
隻安用此爲紹南死十日俗有所爲煞回者氏
赴門前溪水死

靜好纏三月蒼茫便九泉折釵無處卜破鏡幾時圓自
斷此生事何心再問天璜塘一帶水嗚咽自年年

最是孀閨節而能舍命從暮春悲雨雪初夏隕芙蓉
颯烏棲樹淒淒馬鬣封塉頑新墓碣羞煞古臨印

題吳夫人澹齋軒詩集夫人吾友張宛鄰大令長

女也

故人傳絕學嬌女亦知音乍展吟椒句彌傷宿草心雅懷清比玉仙侶靜調琴福慧前生業相期珠樹林

夜坐聞蛩

清商一以警獨夜賦歐陽徒倚闌干靜低徊露氣涼授衣催卒歲撫鬢感他鄉歧彼河梁女終朝亦七襄

清商一以警寂寥野人家蓬徑客旋去銀墻月已斜況沉冷瑤瑟悄悄臥幽花顧影澹無寐殘缸搖碧紗

瘦筠携新羅山人畫卷見示卽次自題韻

和抱盍春氣高情深歲寒翶飛同柳媚芳澤各珊瑚筆
借生花手毫分點易丹老懷成劇興對此感無端

五絕

題硯陰負米圖爲虎林朱點作

百里遊非遠承歡忘苦辛但堪營斗米不作折腰人

題陳琴齋鏡湖釣游圖

竹樓讀書

之子閉門居長吟只山水泠泠如振玉月色幽篁裡

小巢雅集

久矣逃虛空。茫然可喜也。遇駛黃檗人。寄語同心者。

清溪垂釣

物我兩從容。悠然濠濮意。興得自忘釣。魚廉亦愴餌。

鏡湖秋泛

雲水相與永。淡然忘所之。倒浸半湖山。峯影交參差。

禹穴探奇

委宛書已空。寥石字可數。如何司馬遷。獨自有千古。

雲門觀瀑

絕壑轉萬雷。兀坐如忘耦。於此觀聲音。竟得解脫否。

三江踐水

守者如固鍵遊者如脫笱於此感身世秉燭夜遊可

乘風破浪

乘風去不已惡浪高於山座中有謝士如此將無還

題郎文臺畫松下牡丹爲鄒雅存

標格雪霜勁懷抱春風深緣知德不孤見面卽見心

山水畫幘

峯嶺露深峭密林含餘清惝然思江湖散髮足平生

養一齋詩集卷第三

養一齋詩集卷第四

武進李兆洛

七律

雨後同朗岩坐墨池上

犁扶石丈不須耘
蛙樂閒池頗作羣
小坐風前攜勝侶
嫩晴天氣足清芬
亂紅空想亭邊雨
池邊一亭舊名紅雨
今易其榜矣濃綠全鋪水面雲于此從容弄柔翰
令人絕憶右將軍

寄趙蕪坡

我識詞人趙倚樓
卞和山畔賦依劉
驚心已是十年別
見說蕭然兩鬢秋
鋤徑課花隨處好
眠雲跋石幾時酬
籬邊叢菊開無數
飲興能如舊日不

道光十年九月十四日偕吳山子

育莊子定謂觀

菊于雲亭季氏主人畱飲卽席賦此

主人合是培才手
佳友都爲悅已容
慚愧衰顏陪衆嫭
便思相伴作花農
天殊不放秋心淡
客亦爭憐酒味濃
多謝好懷無以報
約君看我冷芙蓉

江城幾處菊爲叢
花到君家覺不同
眼底遂成花世界

人間無此錦屏風九光十色徘徊見儻自妃青位置工
難得今朝風日好老天有意向衰翁

乙未重九夏周諸生挈榼携肴邀予鳶巒山兩廣
文及予小飲聚星樓鄭君樵仲適至予鳶以詩
紀之次原韻

千林風葉下如潮天半秋心不可招閨小猶嫌混城市
興高便擬上雲霄携樽有伴無前約聯轡能來若互邀
更喜故人從遠至衰顏驚看舊丰標樵仲遊浙久不相見矣

徐小尙以豐樂亭前歐陽公遺竹製筆筒見寄尙
之以詩輒依韻爲謝

碧筠五寸玉無價雅詠一篇珠在前淪落合憐幽壑底
流傳說自醉翁年嘗經詞客裁新管絕似柯亭得舊椽
拜賜欣然滋內愧撚香何敢望名賢

題黃石齋先生自書詩卷後卽用首篇原韻

此心祇要問醒暝誇說畱皮已枉然大海波瀾迴便濶
神龍指爪露時偏孔顏有道通三極蘇李何曾值一錢
可惜摩挲向陳迹誰能融會性中天

壽趙尹言

兩情白首尙如新得晤言時勝飲醇久已炎涼忘世味
總于平淡發天真拈花弄草生機足清酒深杯樂意伸
何必更教杪穖序胸無塵土卽仙人

從今自署古稀翁行樂催人秉燭中好覓短筇尋向子
早營生境學司空知君腰脚還如舊屈指朋遊已不同
我趁壽筵來索酒愛他春日暖童童

正月四日訪張懷白聞薛雯伯方稱七十觴回舟

赴之未至塘頭十里許而水合北風又厲步不

能前舟中無俚率成二律俟至江陰寄之

我識塘頭薛夫子玉顏沖粹老經師同文細辨焉烏舛長歷精推溯閨差杖國儀型真不忝擁臯諄誨未曾疲朝廷旦晚求輶伏好護輝山媚懌姿

便擬登堂索春酒無端水凍滯河干生煙濕葦艱爲農和水村醪不敵寒華館開筵想歡暢剗谿乘興遂闌珊神山風便吹詩去好博安期拍手看

三月十二日遊常熟破山寺

花能明艷柳能嬌暫與如來破寂寥龍去尙餘今澗谷

蓮開苦憶舊根苗坐無閒士談三地壁有詩人話六朝

門外雙幢最殊絕坐看便擬永今朝

胡墨莊承珙以詩招遊水西次韻奉答

碧落紅塵各一寰幾人燒汞得丹還從容銘鼎都忘我
檢點藏書自有山要接精神周孔後更勞疏澮鄭毛間
君著儀禮古今文疏義小爾雅義証台衡指顧遊偏倦
養疴歸來鬢未斑

眼前埃壘幾能清乘疇居然到赤城自也舊尋棲足處
琴仙幸有拍肩情桃花流水長無恙綠酒深杯愧此生

何必看山定黃海胸中五岳久能平

酬翟潤之

漱芳

潭上紅桃未着花我來何處可停車得君卷裡千篇玉
勝看岩頭十丈霞東魯門牆資翊衛君著文廟通考百
錄卷南湘屈宋杜分衛寄公舊有遺民在許買芳鄰擬

住家

酬吳茲山

此間誰敢鬪詩才李白當年屢往廻長史庭階雙鶴舞
狂生池館百花開似君清韻差肩好媿我相逢歛手推

早晚金聲聽擲地興公努力賦天台

次韻酬費星甫

聞道東峯尙有亭名流觴詠幾人經閒雲暫住山仍碧
新雨相逢眼倍青君似枯禪能不寐我如中酒每空醒
最嫌對字居旬日燈火疎簾隔一欄

留別涇川書院諸生

春風吹綠漲芳汀高會羣仙灑玉亭赤鯉白龍爭迓我
三門六刺不曾停徒慙坡老成饕餮諸公索拙書各有
潤筆東坡所謂一路餞遺之若饕餮然畧似樊川半

醉醒牧之水西寺詩半醉半醉三日留一笑凌雲暫分

手桃花未放柳條青

祁生辭官將歸先寄我一詩甚喜之乃人未還而

訃在門矣念之愴絕次原韻

破例相迎事若何

原詩料得我歸應破例入城一度許

經過傳來惡耗竟非訛新詩自是人間少舊友而今地
下多華屋况經成浩刼故居已燬於火西州那復慟行
歌嘵膾老眼空吟望枉却堂堂白日過

道光戊子春予雅先生來權暨陽廣文遂獲朝夕

比冬將去以詩見貽次韻誌別

詞條葩璫自紛綸正叔風流見替人此地江山供玉麈
知君竿木鎮隨身鑿鹽暫領三分味桃李聊沾一半春
笑我寒毡同蟄伏白頭真喜結交新

山色蒼茫水邈綿竭來幾度共瓊筵尋常譚藝供消日
珍重詩篇愧引年盤蕡乍辭經義舍覽裳竚詠大羅仙
梅花將發君方去此後相思孰與傳

鮑聯甫退思圖

每誦委蛇退食詩道參損益想風規螭坳待漏鳴珂候

岱麓頌春露冕時
齋閣清嚴無客到
焚香心事有天知
會看翔步星辰際

秘殿從容展論思

木芙蓉酬季僊九韻

比似秋心幾百端
衰顏借酒暫爲歡
無邊葦岸飛晴雪
何處花城號錦官
明鏡已教辭曉艷
青要肯與伴宵寒
佯羞却背無聊甚
博得君來四面看

碧樹全成錦樹林
夕陽影裡涉還深
啼痕未斷雙紅臉
裙綢都如百結心
無恙江潭悵搖落
多情鷗鷺漫招尋

日邊紅杏勞畱盼辜負春風直到今

次韻答仙九留別

天回峩舸作吟艤繞襟歎然勝板輿臣朔無憂一囊粟
米船却受半倉書卽今細雨開帆處便是長風破浪初
届指春明櫻笋熟覓裳舊侶盛簪裾

太息牛衣往事遷京師誰似仲卿賢金花帖好從人羨
玉鏡臺空黯自憐阿杜釵裙原婉淑寧馨頭角已完全
微之鳳閣平章事一酬韋娘定輶然

經簾遺澤有誰同雲樣文章捧日紅已是一鳴喈衆鳥

無端六博借神叢
河陽見說思騎省
鄉里于今頌德公
努力修名寶餘慶
瀧阡勒表待題崇

私喜相逢意氣投
幾番望遠苦登樓
羣空冀北君誰讓
步失邯鄲我不羞
素業殷勤貽一縫
錦衣延佇唱三侯
神山蓄意相迎待
早與仙班證十洲

年時月夕共花辰
挈侶携朋色笑真
矯首天邊分去雁
回頭地下有陳人
可憐幾輩青松晚
所望一枝紅杏春
來歲折梅遲驛使
短檐獨自百回巡

落花

翡翠窗櫺素錦糊更誰十斛費明珠也知剪綵都能似
不信還丹別有符憐慰好言聽未慣色香觸法本來無
一年一刼拚如此補種溪頭十萬株

高翔之東籬採菊圖

小時相伴讀書闈壯日奔馳相背飛垂老論心朝夕共
舊游屈指似君稀未荒徑草堪招隱如此秋容勸息機
正是瓊邊新酒熟夕陽携手好同歸

觀蓮小集歲以爲常昨歲酒徒寥落飲旣渺歡唱
酬遂闇權輿不繼恐爲花羞先以粧糠敢求珠

玉

樂聞世界有清涼衰至生憎赤日長占破幾弓閒地步
消磨兩月熱天光老夫坐對心如水君子能來語亦香
杯酒易空花易謝但堪謀醉準千觴

侵曉徘徊綠玉堆憑闌細數幾玫瑰風簾一一披帷見
波定雙雙對鏡開墮粉已漂還弄色含苞未吐底須催
選真暫結跏趺坐卽此何如九品臺

屈指裁來五度花一花一飲一咨嗟無多酒伴垂垂盡
比似秋心漸漸賒數遍晨星待朝露補邀新雨散餘霞

祝花兼祝看花客相對朱顏歲歲誇

向來藏拙避人先學舌甘爲小乘禪偶效野人投木李
浪希彼美步金蓮非操斗酒生奢望倘爲名花與拂箋
昨夜池塘微雨過一尊莫負早涼天

寄題陶雲汀中丞皖山大觀圖

江勢東奔欲撼城連山北折與江爭登臨便有投鞭想
形勝非徒半壁撐當日干戈餘舊跡祇今草樹識威名
遙知旌旆臨飛觀懷古悠然動遠情

和王崧甫韻

卷之二
無端玉戲鬧天工好是來思句未終逕斷閉門人寂寂
詩成當酒暖童童自誇徒手猶能戰却道吟肩不可風
莫待明朝賈餘勇踐林已掛夕陽紅

銷金帳底那分春槧袖爐邊袖手巡我是粘泥畱絮影
君真善舞上珠塵時晴帖喜羲之到斗酒詩憑白也論
不恨歸期遲一日沙邊鴻爪總良因

曹金門芝蘭雅契圖

琴停筆倦坐松椒鄰課兒童種翠苔綠葉素枝恩澧浦
澹雲微雨做花朝同心言倘能如此一瓣香知定不消

好是階庭森玉樹涉江未悵路迢迢

送崧甫

淝水東津別八公重逢屈指一星終訝卿繞喙纍纍長愧我循顛漸漸童顏惜回谿仍揚翅

崧甫舉拔萃科廷

試已得復失相期窮髮更培風頻番酒盞同持處稍爲

衰顏坐褪紅

又說歸期指仲春十三弦望一送巡大江浩浩朝滄海
虛宇寥寥絕點塵風月無邊隨領取文章有價不須論
來秋擬泛秦淮棹倘復相逢也宿因

永貽以行看子求題且曰必爲勵學之語戲反其意拈此解人當知卽此是學耳

先生老矣拋書坐子好遊乎語子游劙水鏗山千徑絕落花啼鳥一庭幽幻來魂夢周蓬島靜裡堂堦辨堅舟知否現前天趣足莫鑽故紙枉埋頭

黃根以四貧詩見示戲和之

蕭騷大樹北風高補綻行間舊戰袍甯可忍飢肥櫪馬未拚縱飲典霜刀紇干雀豈無生處原野烏嫌去子逃要待沙蟲消化盡自將鐵骨與天塵貧府

袖短知寒各自任相憐同病可同心荔枝圖好餐難飽
綿紵衣單冷不禁或有子輿能裹飯想無鮑叔與分金
憑君莫笑秋雲薄葛幘西華怨更深貧友

但有扊扅與伏雌此情已勝泣牛衣半牀斜覆縣婁被
十索空成妙好詩妾是謫仙工辟穀卿真餐秀欲忘飢
他年十萬營齋奠也算韋娘得意時貧妻

何曾央券石崇來日日柴門掃雪開主或憐飢免笞罵
人誰拭目擬方回飯筭腹大真成負囊內兒多未許陪
但使郎君遇紅拂猶堪距躍効微才

貧儀

題甫山盛君

博大遺墨

君與予爲兄弟交甚厚自珍其畫諾我作佳畫
當報玖竟不果去年甫山捐館予往哭之追陳
曩悰遂及斯語令子思騫檢遺篋得此貽焉畫
似未成名亦未署因題數語以識思騫字抑之
從予游者也

想見含毫意渺然熏來剩馥枉流連十年梁月相思處
一樣雲山未了綠景物定知非隴首心魂了是滯江天
忽忽歸老成何事不及誅茅晝蘄川

江畔意行圖

老屋江城住畫圖緣江路熟每相於山圍登嶂樵踪斷
水接長天帆影孤童荷青琴思選石樹連濃綠指前途
襟懷此地能空闊乘興歸來日欲晡

輓劉眉峯

卽鴻峯改字

四月中爲劉君題照至十月中旬而遽歸道山聞

之不勝感喟君與予同庚也

文心勃鬱奮春雷奇氣縱橫壓酒杯低首青燈事鉛槧
回頭白髮向蒿萊如何身世匆匆了剩有肝腸寸寸灰

信否城東仙觀路故人携手訪紅梅君秋中夢得常聘
君遙遊毘陵紅梅閣君辭以事聘君笑曰君不久終當
去也青雲挈侶信有之乎

壽劉篤山先生五十

興來何處酒杯深頗有劉安識我心飽飯且須裁苜蓿
素懷真喜附苔岑眼前雛鳳飛騰意江上閒鷗浩蕩吟
一飲無名借稱壽菊英桂粟等黃金先生誕辰九月十
五日以今年鄉試改期諸生移前一月預祝
屋邊自闢地三弓鑿徑安門便過從展卷風搖蕉葉碎

吟香雨助藕花濃驚人白浪逼銀漢向我青山幾玉磬
九月蟹肥秋更好索郎重與倒干鐘

姚古愚狎鷗軒校書圖

杜陵舍北淨蒼苔春水閒鷗日日來剩有詩篇拈已懶
只饒書卷眼能開愁心白髮幾千丈笑口青州三百杯
遺稿至今零落否好憑子幼爲傳來朱君肖梅先生外
孫也實奉遺照索題

讀高麗洪澹園國相詩集

高麗封國本朝鮮訪範開周不計年自昔稱藩文教接

祇今入貢禮儀虔卷中琢句箋應貴海外陳詩相果賢
遙想

帝天雲日爛丹邱歸去當新篇

清遊何必羨蒼波江國菰蘆此一奇占得野鷗閒浦漱
聚來耆舊盛文詞闡珊瑚幾卷同人集寂寥三間老佛祠
太息繪聲空繪水有誰論飲更論詩

錢武肅王遺像錢氏二十九世孫若浩繪摹本

時危唾手奏膚功袞冕先窺石鏡中鐵券丹書新社稷
錦裘駿馬替英雄子孫此日稱清第祠廟當年說表忠

百世尙瞻遺像在披圖彷彿大王風

生甫毛君以西禦明府招飲凌霄花下原韻贊韻
見貽卽依韻奉答

久憐清瑟滑奸濫今見金篦刮翳良煎改紅爐青氣竭
機神白地錦光開多多益辦非關學草草能工詎是才
製作此時須大手可應解帶賦條枚

此生頗類捐溝節卅載空挑短檠哀聊免細腰隨柳折
有時笑口爲花開王駘何物能尊足匠石奚宜顧不才
壇坫雍容師以律願隨廡養事行枚

再登韻附呈西礪明府

頑金歸冶鎔爲水鍊火生雲點似炎世垢欲求風后掃
贊山只爲至誠開性靈陶澤無餘事宇宙兼包有別才
最感古懷敦鮑叔此恩何止計朋枚明府原唱有交誼

豈今無鮑叔之句漢書只二枚爲朋

西礪明府再用哀字韻枉贈復依韻答之

天衣任著干花朶粉壁難安一點哀上客喜陪王幕集
凡鱗鰐見禹門開得綠蓀正稱同味豈有葵蓬可論才
鯨吼竟爲蓮即發瞿然圓視數閒枚

汪瑞峯小影

盤陼趺坐意殊豪疑隱疑仙任汝曹常自握手一子
是誰頰上寫三毫紅情欲與江楓落幽意真如削壁高
笑我倚枰餘十載長柯腰下尙堅牢

題某照

翛然興味老彌腴策步何須綠玉扶雙鬢風前如野鶴
一毛膝下見鵝舞早裁彭澤花三徑補種東坡柑兩株
莫道苟家文若小會看重繪德星圖

題高申之承錫小影

回憶當年立雪時君方總角效兒嬉鬚眉轉盼今如此
渺莽前程那可知照眼花枝偏兀傲頻來倚徙訴襟期
歲寒願與長相耐領畧春光未是遲

贈祝子常

紅瘦綠肥不足言最難濃淡總天然陶鎔功在披沙外
意匠詞爭下筆前幾輩詩壇盟敢主一時花鄂集同傳
蹇人空有登天願何路蓬瀛問列仙

題照

漫吟伐輜置清漣荒落何曾比輞川年去始慙三寸學

貧餘猶剩一雙田元卿開徑遲求仲少府真遷望薛宣
來夢亭圖感珍意他時當繪子猷船

題某照

每向里碑聞道賜暫從圖畫識泉明長身且喜松無恙
送老偏於菊有情好句閉門誰共賞濁膠對飲只頻傾
可知渺渺沅湘沚多少秋人想落英

石灣

石灣仙嶠看秋濤何處游能似此豪直是胸中無宿物
果然身外等鴻毛峭帆逐浪滔滔逝寒樹憑山落落高

欲御天風還未得歸來隨意倒村膠

贈友

芙蓉湖畔鯉山邊中有幽人享大年
錦里尙慳瞻道貌吟編先與結閒緣
琴尊以外無他嗜豐鑠哉翁不羨仙
陶冶性靈成解脫怪他情味向詩偏

蕭子澐以需携酒挈客飲我於暨陽書院次日將

治酌相酬雨阻不果子澐以詩見貽依韻奉答
客夢今朝也合醒積雲容易見疏星撩人花尙參差發
向我山都嫵媚青尊酒盈盈誰是主黃魚頓頓不嫌腥

憑君莫問江潮事水滿濠梁儘闖萍

自笑支離那可醫蹠躡窺影井瀾時老慳樓護侯鮆慣
憎貌楊修暑賦遲恰是浮陰阻良會又教健筆走新詩
感君相愛無窮意小別殷勤訂後期

壽魏從母奚太孺人八十

靜敞璇闈肆綺筵遲遲春日正暄妍擊鮮事膳茅容孝
貢米承歡季子賢繞砌孫枝排玉筍一門羣從蔚金荃
雲溪溪水添新綠好變釀醪酌列仙

外家門望嗣賢梯諸舅森然氣吐霓此日瞻依惟從母

小時候襍雜憶提攜艱難閱過滄桑似社福真宜山斗齊
差喜老甥頭白盡得隨兒輩戲中閨

養一齋詩集卷第四

養一齋詩集卷第五

武進李兆洛

七絕

周忠介公不聞能畫而此幀已盡六法之長嚴氣

正性流溢楮墨公故意不在畫也繹題識可見

系之以詩公自題云近溪幽濕處全借墨華濃

唐人此語真所謂詩中畫也偶寫數筆覺滿處

冷光又非畫中詩也天啟四年春分日寫於石

湖舟次

廣平鐵石賦梅花猶是天斜着麗葩何似胸中邱壑在
滿空霜氣出槎枒

題畫己卯九月謁蘿簪師于含山學舍命賦

峯容慘澹樹離奇問字人過花滿籬三斗醇醪數宵雨
褒禪山下正秋時

小游仙次陸祁生韻卽寄祁生皖江

寫意難窮百幅箋敢云出處竟闢天酒人自有荆卿在
何必田光尙少年

小寅以詩索輒硯製此爲報

自揩泥士剔苔斑千五百年綠未慳得傍青甃親晤語
底如片石在寒山

題于邠硯

麤材古貌野人姿謌詠田園鎮自宜帶玉腰金多少客
任他奪取鳳凰池

南陵同陳芸暉閒眺

故園別去幾經年日日思歸枉自牽柳已搓黃波已綠
雲山東望一悽然

膀題猶記曲江公軒檻空餘想像中剩有百年喬木在

可能管領舊春風

皮癩條剝苦槎枒
鐵骨憑將閱歲華
底事欲開偏緩緩
自嫌身是路傍花

只爲尋花不自疑
便穿苔徑倚花枝
何如坡老黃州日
拄杖敲門看竹時

鄭春山爲邵百一繪采芝圖小影囑余題句而其
圖不在行篋圖中人予識之繪圖之人予識之
奚必見圖也百一方有北行兼以爲別

便從畫裡避埃氛
何日還山穩臥雲
好向圖中添箇我

長鑣木柄鎮隨君

次鄧聖輔畱別韻

自怪秋來少醉眠
幾多鄉思雁聲邊
我家也傍江湖住
安得攜裝共一船

薛萍薌春夜家園共宴圖

一飲團團四代人
好花好月好陽春
便疑此是華胥國
他日歸來欲買鄰

依舊春園畫裡身
蹇驢獨自犯霜晨
可應略識征人味
早辦陶家漉酒巾

又菴夏先生度汪薛先生並重遊泮宮索詩記之
同人多頌禱之詞非二君意也故爲其自言時

道光丙申

莫道儒冠悞此身中和培養是天民此生不愧稱黃蕎
後進相攜拜聖人

樞衣當日共羣賢稽拜階前展豆邊六十年來頻屈指
榮枯幾許荷陶甄

白頭攜手進新闢問樂多慚魯兩生德幸不孤稱自勗
好從逾邇策修名

題龐靜園遺照

亭臯霜樹徧丹黃
領畧秋光過野塘
獨自意行還意立
眼前雲水儘蒼茫

譚空自昔推居士
令望何人拜德公
剩有里中碑在日
能傳清白是家風

題張春槎司馬蝶花樓詞稿

自製新詞韻最嬌
自石句青衫司馬鎮
無聊不知柳院梅廳
夜可有愁魂真箇消

當年陸弟譜清鄰
淡月疎風聽漏頻
遺跡尙餘新顧也

秋墳誰唱御樓春
卷中有祁生規墨帳觸舊遊
及有
祁生所填詞名清鄰

冬夜

窗前一樹九英梅
但是寒來香亦來
夢裡五更鐘打罷
塵埃暫覺豁然開

梅道人畫竹

抱節先生道不孤
幽踪落落韻疎疎
寫真何減文夫子
影落空亭人興初

元人畫弄璋圖

藍田一點玉根苗脫褪擎來雪樣嬌此日莫愁真得意
安排繡鬢待來朝

李地山香田夫人遺照

可人夫婿百相宜寫罷雙蛾更擣思想見水晶簾底下
春風鬢影看多時

當日看花同解語今來對面只無言祇憐一瞥驚鴻影
回首前塵已惘然

余從弟北池作畫嘗屬予題而未果壬午弟沒予
每展此畫欲一着語輒泣然擣筆已迫崦嵫日

抱憂生之戚乙未初冬上冢錫山舟經白蕩根
觸畫意聊成此

老漁生長水雲鄉每到秋來飲興長最愛平湖疏樹裡
扁舟領畧好山光

吟詩弄筆送殘秋十五年來無此遊一樹衰楊扶夕照
倚筇何處望歸舟

尋常行樂記當年畫裡分明卽眼前山是九龍溪五瀉
一回經過一流連

觀菊裴氏

却爲尋花放酒杯菊花堆裡暫徘徊不容滿把採之去
醉裡尋思夢裡來

觀菊陳氏

黃黃白白列東西小小排當儘自宜可喜主人能煮茗
却扶殘醉與題詩

題飯信圖

周東村飯信圖毛生甫所藏予嘉其英越哀護
神爽若接屬吳冠英摹而存之

中山得志一壺殼當厄由來易感恩推食甘爲漢王死

卷一
千金報母笑王孫

王孫善保千金軀四百炎靈此一孟可惜赦倉無萬粟
秋郊鬼母哭嗚嗚

嗚嗚莫作餓夫啼眼孔人人亭長妻豈有英雄肯營食
大慈悲相見眉梨

眉梨懸首意低徊畫作王孫絕可哀想到朝餐空伍噲
母兮心事也應灰

蔣峩涇適園詩草

善戰何妨驅市人詆辭脫口便生新粗枝大葉君無笑

古直從來見性真

酒虎曾聞是虎癡而今學道懶傾卮要人領畧杯中趣
補盡淵明飲酒詩

詩人風義只和平琴辨愔愔指外聲獨奉隨園香一瓣
莫誇才力壓新城

江上吟窩舊草堂兩鬢各自一軍張廣文遠宦徵君死
三徑從今莫放荒

沙詠亭愛吾廬詩草

一庭清露引新桐把卷閒吟綠影中盡得風流在何處

天工本是不求工

消遣流光聊乞祿破除鞅掌只吟詩且欣松菊歸來早
風月無邊任總持

爭盟孰與上騷壇白雪從來屬和難可惜鍾期遠仙去
洋洋流水爲誰彈病中多薇初隨卿評跋故言

夏循陔拾蝶圖

出處當從元凱論暫尋蝶向淮濱便教作盡鷺鷥躍
人道吳兒是木人

陳堯羹擔糞圖

坡公但不能擔糞吾子多才并此能矢溺果然知道在
鼻根一悟徹三乘

自信雙肩皮骨牢何妨竟赴老農招心田正要勤勤糞
此擔還須努力挑

生雲垂露之軒紅蕖甚放吳生冠英擣所畫幅屬
題因成二絕道光乙未六月八日

不着塵埃些子兒前身端合住瑤池冰肌玉骨清無汗
彷彿摩訶未寢時

淡粧濃抹天然色相同參自在禪箇裡一枝偎倚處

分明邢尹鬥嬪娟

顧侍贊廣文中流自在圖

不論遇坎輿乘流把舵堅牢得自由如此渡河安穩甚
底須紫玉奏箜篌

莫問前途速也遲布帆無恙且安之會看萬里長風發
始是宗生破浪時

蝴蝶階間自在飛如舟學舍稱其頑絕喚仲御鶼鷀躍
誇說吳兒賣藥歸

不作風波於世上別有天地非人間領得此中閒意趣

翛然身外百無關

補甕圖

田功未收酒無柏老甕多時擲籬脚場登新秫黃雞肥
收拾將來貯桑落

題潘雲閣耀文敦素堂詩集

墻頭一角遠山眉春大遙林綠意滋正是雪消烟歛候
石欄啜茗讀君詩

此地幽棲足澗澗林泉佳處自牽蘿桃花潭水無今古
例有詩人解踏歌

題胡墨莊詩集後

披珠拾玉自沈吟芳草天涯共此心持比澄潭千尺水
一番相見一番深

賞溪溪水碧潺潺問渡尋幽興未懼日日關山聽春雨
可憐孤負水西山

雲龍那得鎮相隨贏得隨身數首詩擁櫂長吟歸去也
桃花未放水生遲君枉贍之句

陳芝房攜其尊人吉甫大令詩卷見示敬題卷尾

自有清風葉葉傳鄉邦俎豆仰名賢橫江先生祀邑忠

義祠尋常草木皆文獻况是親承手澤綿

有明中葉盛文章江左家家翰墨香想見當年師友輩
左宮右祉儘瓊瑤卷中袁胥臺乃橫江先生師

三百年來世德垂季常名跡重當時每看隴首秋雲字

章草徒成宿草悲吉甫曾爲予書扇頭

風雅而今又屬君典型珍重寄斯文好將事業承弓冶
莫漫徒收翰墨助

張

集其尊人莘農先生交遊往復之書裝爲

一冊携以相示冊中諸人皆予所識今盡歸鬼

錄獨予在耳愴然識之

秋墳宿草廿年餘有子忻能讀父書似此朋儕天下少
不知地下更何如

卷裏相逢盡故人祇餘憔悴苦吟身循顛一晌成長嘆
月缺花殘孰共論

鄒北江印譜

尉律荒來繆篆煙但從秦璽認曉筌紛紛摹畫工續密
知否曾窺許氏篇

師今師古了無憑高雅全資意匠能妙會自然通造化

解人安得李陽冰

猩泥紅艾細摩挲
此事名山共不磨
只向鋒端問消息
莫將軟媚笑文何

題錫山女士鄒蕊珠蕙貞詩稿

詩有仙心謫亦疑
集中句句分明手自寫
真詩可知紫玉如烟日
便是飛瓊謫滿時

何云女子合無才
卷耳條枚試讀來
不肯綺羅埋沒却
此言幾輩愧於思

劉晨容易住天台
月墮星沈自古哀
長史那如蕭史福

玉臺不作鳳凰臺

次韻酬問亭

一尊銷夏賞新荷，轉瞬韶光有幾何。
紅粉房空蟾蛤弔，最憐池館得秋多。

却喚昌宗起九京，招涼亭子尙三庚。
不教水面平鋪著，與建霞標上赤城。

笑我與花成目逆，惟君於我最相親。
君今說著將歸去，花也淒然背着人。

兩邊青士與蒼官，兀奡如將冷眼看。
只要花開人好在，

世間萬事底相干

再次韻酬崧甫

記得同看碧沼荷拈題分韻飲無何誰拈紅粉粘枝上
又占秋光一倍多

流霞萬點散瑤京恰是初弦月出庾江畔靈均憔悴否
有人錯比曼卿城

不必褰裳畏濡足攀條相看越相親祇今喜共秋江采
他日誰貽遠道人

不是芙蓉闕下官一羣鷗鷺與同看憑君莫作媒勞恨

我亦頻年愧假干

寄吳石華

蘭修粵東

白華無恙爭初生料理長饑共野氓我亦新來解鋤地
長沮可許耦而耕

佛桑花下欵門初幾遍披函走蠹魚一十年來不相見
一年一度一緘書

研羅紅襯藐姑肌香沁心田冷沁脾幾日炎風愁內熱
憶君直似憶離支

許某故吾今我圖

故吾今我剎那間歲月堂堂去等閒會得觀河無異見
真常本性底相干

莫道衰顏不再紅八公條忽又兒童君家舊住神仙籍
試問東山玉斧翁

送孫廣文

把酒論文春復春吹來舊雨豈無因便應小住三千歲
長與山人作主人

眉龐童綠玉顏紅

苦言省侍有前期
親舍遙瞻意若癡
紆組未幾還解組
伊人空溯水之湄

太息雙丸不得開
別何容易見應難
從今三徑綠誰掃
擬其山僧學閉關

題友人遺照

磷磷澗石細苔皴
謾長松太古春聽水
聽風成世界一邱一壑見斯人

更誰寂寞與求音
逝者如斯愴已深
料得而今磐石下
亂泉不復寫鳴琴

太倉王氏園稱名勝舊有梅三四百樹今已蕪廢
僅存一梅或題之曰瘦鶴六安程芳墅爲之寫
圖以乞詩於當代名公積數年題者幾遍海內
卷大如牛腰携以索詩因題二絕句

白雲流水渺空山翠羽啁啁夢已還此鶴有時終化去
得留清影在人間

王家幾百梅花樹三百年來瘦鶴存卷裡新詩亦無數
他年誰似老梅根

一壑風烟圖爲雁峯題

風低烟歛艇徐率一壑胸中尙了然痛惜勾留莊止屋
當年未辦買山錢潼渚東有溝頭莊傍銅官之麓水木
明瑟居者求碧予擬卜居而易其名曰勾畱卒不果

戲題圍棋筒

風清月白舊相思林下諸賢把臂時歛子推枰渾一笑
羅胸星宿有誰知

此中韜畧是誰精橘叟沈吟意未平輸却玉龍都不管
但畱鱗甲貯殘兵

筆筒刻菜二首

文園定比菜園奇青紫紛紛拾芥宜人士自應知此味
清班玉笋試掄之

夢中漫說有花開誰是明光起草才要使斯民無此色
筆端奪得化工來

前題

鵠筆由來說雲雨東之高閣暫沉冥此生蔬筍緣長合
一任圖形入汗青

示包慎伯

世臣周保緒濟

當年鄒魯盛門徒君子由來德不孤多事史臣題道學

至今詬病到儒書

魏公不了中原事同甫亦非天下才
廬阜幔亭依舊好
傍花隨柳且歸來

古畫

縱橫凌亂盡情開着手成春有此才
生氣居然能遠出
筆端奪得化工來

寥落秋心入廢闕白頭宮女說開元
此情可待成追憶
一朶花看一淚痕

道光甲午三月張子琴秀才招同劉篴山學博張

懷白吳冠英遊虞山下榻朱遠翔少府家日占
以贈

有草有花聞院宇疑仙疑隱古鬚眉肯分一榻容安卧
明日遊山借杖藜

李仙槎泛槎圖

芒屨踏破九州烟衣帶圖將五岳篇天下名山都眼底
世間何處說神仙

奇情真足助文瀾似與煙雲相往還我向卷中成坐臥
看詩看畫當看山

自笑頻年汙漫游渾忘大小九浮州扶搖枝上仙仙意
倘爲雲將一掉頭

孫納菴荆麓消夏圖

長淮淼淼溫胸來古木陰中石屋開記得去年銷夏處
合瓢泉畔買蓼回合瓢泉在懷遠西山

史湘亭出蘓虛谷畫竹見示因題

幾年不見蘇虛谷見說侵尋老病深懷裏琅玕猶無恙
與君共保歲寒心

曉風殘月圖

秋心悵撥浣花牋酒醒今朝事惘然一種風懷兼別緒
就中拈出柳屯田

蒼茫夜氣總模糊浩蕩心情會得無閒道鴛湖好煙水
詩人本住小長蘆

劉篤山廣文湖濱垂釣圖

當年作計未全非深柳書堂傍釣磯開過桃花春水活
一竿常趁鱖魚肥

而今往往金生魚如此蹄涔結網辜好趁青天一釣月
繪君滄海釣鰲圖

小綠天盦拜素圖

今日維那拜顛素素師當日拜張顛若將此事從頭問
倉史而還幾聖賢

初寫千文智永師賺來禊帖是神芝鐵門限裏會遊未
問取廬山面壁時

筆禪何處索端倪深淺空量墨海蠡妙會神完兼守固
高閑只合拜昌黎

當時一幅醉僧圖絕叫淋漓快發舒智過其師乃傳法
大師飲興竟何如

張芙蓉小瑤環館藏書圖

何必名山始可藏清華水木讀書堂夢遊祇惜無斯福
一晌披圖意渺茫

平生積得八千卷子和先生句恢廓孫謀幾倍之物聚
固常於所好也緣世德與涵滋

老去時時爲借書一瓻不挈載兼輿世人莫道瑤環小
鄴架曹倉定不如

綿綿瓜瓞圖

侍讀廣文以商瞿之年初獲石麟彌月之宴吳

獻常寫此以賀歡喜敬題

九霄膏露湛含津霑灑芳根引蔓新從此朝陽輝五色
長教四面會嘉賓

盛青厓日出圖小影

仙山樓樹俯天池平看踰鳥浴羽時翹首青雲真咫尺
扶桑檢取掛弓枝

劉心畬採芝圖

百草千花滿意收十分春色眼前頭握手勵得靈芝在
管領東風汙漫遊

霜上鬢鬚雪上顛神仙富貴兩茫然憑君且快屠門嚼
一晌華胥國裏天

記否涵虛小徑斜花開挈伴拓牕紗而今各各垂垂老
怎及花花歲歲花

邵寶鋪菜圃自怡小影

畫裏相看倍黯然卅年相識各華顛東陵饑有家風在
檢點黃籜過晚年

尺地堪鋤便自鋤竹間桐下儘相於世人買菜多求益
莫種芸薹紫色蔬

題雙美閣吟稿

琴川水合有琴心閨閣風流得嗣音一瓣隨園香未沫
祇今女士總如林

夙世靈山並命禽迦陵清韻最愔愔美人畢竟難消受
集中句可是檀奴福分深

漫成

絕代才人盡網羅千秋低首拜維摩錦襍珍譚誰持贈
遮莫人間有選哥

題畫

疏竹修梧色色清此時把卷意回繫無邊風月供渲染
只有秋心寫不成

不辨雲根與樹根閒吟閒坐共誰論似愁今夜西風急
金井飄殘月一痕

中年絲竹好歡娛早歲西華白已徂寶劍紅粧都入手
可能消遣不平無

儘教愁思怨關山剩粉零紅滿意刪便向旗亭矜畫壁
世間安得有雙鬟

贈友

鴻都渺矣剩開成後輩研經合稟程重與拾遺兼補藝
小長蘆後此書生

青楊何妥舊知名今見鏗鏗楊子行合記殺青題口日
受風多處是蓬瀛

題某總戎照

草樹雲煙座裏看酒腸合似大江寬孫郎帳下兒都健
齊築詩壇作將壘

南徐買酒幾經過未拜戎旃一醉歌瓜步江聲連北固
新來飲興竟如何

淵雅堂還嗣彩堂一家述作盛文章渺然人物成嗟悵
又爲元方惜季方

紅藥聊隨百草薰冶春唱罷漫尋雲橋邊剩有吹簫侶
古取揚州月二分

無多喬偓隔雲霄雨過星沉影寂寥忽漫隨風飄一葉
有人彩筆與雙描

詠史

唐代諸方勸農使漢家丞相富民侯莫言汜勝齊民術
一冊幽風實造周

錢生榕初天女散花圖

漫說一花都不着可憐
鎮日在花中手忙腳亂何時了
那及天門奉帝童

張子琴得管夫人手寫璇璣圖并讀法末附武后
紀事字細如絲髮而圓勁妍和甚可玩後有仇
十洲繪圖別一卷分織錦寄書來迎三節密麗
精美亦尤物也予不能別其真贗而愛其字迹

屬孔君省吾入石而題三絕句于後

尋常閨閣說多才歌舞何如染翰來一樣蛾眉成棄擲

更無人惜趙陽臺

一篇讀罷錦中花立遣迎來油碧車真是賢賢能易色
連波何必減秦嘉

風琴雅管奏斯音豈有褊衷妬抱衾定是看朱成碧者
妾將毒腹揣明心

題元刻蔡傳旁通後

講章家每爭朱義藏弃家偏競宋刊我是兩家門外漢
但沽古澤一成歡

養一齋詩集卷第五